

四庫全書

子部

欽定四庫全書

子部  
玉海卷一百五十五

詳校官中書<sub>臣</sub>張經田

主事<sub>臣</sub>祁韻士覆勘

總校官進士<sub>臣</sub>朱 鈐

校對官中書<sub>臣</sub>徐東敬

膳錄監生<sub>臣</sub>趙之璧

欽定四庫全書

玉海卷一百五十五

宋 王應麟 撰

宮室

宮

白虎通謂黃帝作宮室世本謂禹作宮室爾雅謂宮  
穹也屋見垣上穹穹然古者貴賤所居皆得稱宮至  
秦漢以下乃定為至尊所居之稱

黃帝合宮

東京賦黃帝合宮注尸子曰欲觀黃帝之行於合宮

文中子問易篇黃帝有合宮之聽

初學記云  
見管子

穆天子

傳吉日辛酉天子升於崑崙之丘觀黃帝之宮

選注  
引之

五帝法宮

晁錯傳五帝神聖處于法宮之中明堂之上動靜上配  
天下順地中得人注如淳曰法宮路寢正殿也

堯成陽宮室

漢地理志昔堯作游成陽注如淳曰成陽在定陶師古  
曰作游者言為宮室游止之處 六韜帝堯王天下宮  
垣屋室不堊薨桷椽楹不斷茅茨徧庭不剪 揚雄曰  
木摩而不彫牆塗而不畫周宣所考盤庚所遷夏早  
宮室唐虞採椽三等之制 嚴助相貌經堯垂貝殼於  
撓宮

堯宮 貳宮

世本堯使禹作宮 帝王世紀堯見舜處於貳宮 孟

子舜館于貳室 文選曲水詩序接禮貳宮

有虞氏宮

莊子外篇知北遊仲尼曰有虞氏之宮湯武之室 易  
繫辭宮室取大壯 論語禹卑宮室

湯鑣宮 殷王宮

墨子天命湯於鑣宮

初學記云湯所受命之宮

有神來告曰夏德大

亂往攻之予必使汝大戡之

文選注引之

禮冬官匠人殷

人重屋四阿重屋注重屋者王宮正堂若大寢也四阿

若今四注屋重屋復竿也疏燕禮云設洗當東霤則此四阿四霤者也明堂位重檐注重承壁材也

周王宮 東宮 西宮 北宮 蒿宮 中興

### 宮室

天宮宮伯

中士二  
下士四

掌王宮之士庶子凡在版者 宮正

上士二 中士  
四 下士八

掌王宮之戒令糾禁以時比宮中之官府

次舍之衆寡為之版以待夕擊柝而比之 宮人

中士  
四下

士八 掌王之六寢之修注路寢一小寢五疏路寢制如明

堂以聽政

師氏司朝僕臣正位

小宰掌治王宮之政令凡宮之

糾禁乃退以宮刑憲禁于王宮

內宰治王內之政令

會內宮之財用憲禁令于王之北宮注北宮后之六宮

閹人掌守王宮之中門之禁

考工記匠人營國方

九里旁三門國中九經九緯經涂九軌左祖右社面朝

後市

注王宮所居也

市朝一夫

注方各百步

室中度以几堂上度以

筵宮中度以尋野度以步涂度以軌廟門容大扃七个

闔門容小扃參个路門不容乘車之五个應門二徹參



个内有九室九嬪居之外有九室九卿朝焉九分其國  
以為九分九卿治之王宮門阿之制五雉宮隅之制七  
雉城隅之制九雉經涂九軌環涂七軌野涂五軌門阿  
之制以為都城之制宮隅之制以為諸侯之城制環涂  
以為諸侯經涂野涂以為都經涂 三禮義宗天子宮  
方一千二百步三分四為路寢之前一為路寢之後五  
門之間合八百步為三朝皆方百步故用市朝皆百步  
路寢以後四百步為寢室 大戴禮周時德澤和洽蒿

茂大以為宮柱名曰蒿宮此天子之路寢也不齋不居其屋待朝在南宮揖朝出其南門 周書本典解第五

十七維四月既生魄王在東宮召公告周公 淮南子

周公踐東宮注太子宫也 左傳虢公為王官于珌文

公作王官于踐土 唐韋溫傳舊周文王為太子雞鳴

問安西宮 漢劉向傳宣王中興更為儉宮室小寢廟

詩人美之斯干之詩是也 漢五行志董仲舒以為西

宮小寢夫人之居左氏以為西宮公宮也東宮太子所

居

周六宮 六寢

天官宮人掌王之六寢之修注路寢一小寢五玉藻曰  
朝辨色始入君日出視朝退適路寢聽政使人視大夫  
大夫退然後適小寢釋服是路寢以治事小寢以時燕  
息焉疏諸侯三寢路寢一燕寢一側室一

寺人王之正  
內五人注正

內路寢 冬官匠人疏案書傳云周人  
路寢南北七雉東西九雉室居二雉

內宰以陰禮

教六宮憲禁令于王之北宮注鄭司農云六宮後五前

一康成謂六宮謂后也婦人稱寢曰宮后象王立六宮

而居之亦正寢一燕寢五教者不敢斥言之若今稱皇

后為中宮矣北宮后之六宮

會內宮之財用疏云六宮之內內小臣注陰令王

所求為於北宮疏言北宮者

春官世婦每宮卿一人

王六寢在南后六宮在北

下大夫四人中士八人注后宮官也王后六宮 記昏

義古者天子后立六宮三夫人九嬪二十七世婦八十

一御妻以聽內治明章婦順注天子六寢而六宮在後

六宮在前所以承副施外內之政也三夫人以下百二

十人周制也疏六宮在王之六寢之後亦大寢一小寢  
五九嬪以下亦分居之三夫人雖不分居六宮亦分主  
六宮之事或二宮則一人也六卿之官在王六寢之前  
三孤亦分主六宮之職總謂九卿考工記云外有九室  
九卿朝焉公羊傳西宮者何小寢也有西宮則有東

宮矣

注夫人  
居中宮

魯子曰諸侯有三宮何休注天子諸侯皆

有三寢曰高寢路寢小寢詩正義譜云路寢之常樂

風之正經天子以周南諸侯以召南是天子諸侯皆有

房中之樂也斯干箋云宗廟及路寢制如明堂則天子路寢有五室無左右房矣此路寢之樂謂路寢之下小寢之內作之非於正寢作樂也玉藻云云是路寢以聽政政小寢以燕息樂實不在路寢譜云路寢房中者以小寢是路寢之下室天子小寢如諸侯之路寢故得有左右房

斯干西南其戶箋云天子之寢左右房異於一房者之室戶也路寢制如明堂書疏寢有東夾西

夾

曲禮注周禮女御以御序王之燕寢疏王有六寢

一是正寢餘五寢在後東西南北中央各一順四時居

之六月居中央通名燕寢始於家邦終於四海故  
刪詩以后妃為首 明堂位正義天子宮內有路  
寢故應門之內有路門明堂內無路寢故無路門  
及以外諸門但有應門耳 蟲飛而會盈日出而  
視朝朝退而路寢聽政日中而考政夕而糾虔天  
刑日入而潔奉粢盛后妃御見有度應門擊柝鼓  
人上堂女史授環彤管記過 貢禹曰古者宮室  
有制牆塗而不凋木摩而不刻 公食大夫禮司

宮具几與蒲筵注司宮大宰之屬掌宮廟者也疏燕  
禮注司宮天子曰小宰與此不同彼是設尊此設几  
席大宰之下有宮人即此司宮諸侯兼官司宮兼小  
宰也

周閼宮 禋宮

周禮大司樂乃奏夷則歌小呂舞大濩以享先妣注姜  
嫄也姜嫄履大人跡感神靈而生后稷是周之先母也  
周立廟自后稷為始祖姜嫄無所配是以特立廟而祭



之謂之閼宮 詩閼宮頌僖公能復周公之宇也閼宮  
有佻實實枚枚赫赫姜嫄其德不回上帝是依無災無  
害彌月不遲是生后稷降之百福注云閼閉先妣姜嫄  
之廟在周常閼而無事孟仲子曰是禰宮也佻清靜實  
實廣大也枚枚礫密也

周鄠宮

左傳昭四年六月丙午楚合諸侯于申椒舉曰康有鄠  
宮之朝注鄠在始平鄠縣東有靈臺康王於是朝諸侯

詩文王有聲箋文王作邑於豐立宮室

豐邑在豐水之西

續漢志右扶風鄠縣豐水出

注引左傳

長安志豐宮文王

宮也詩曰既伐于崇作邑于豐宮在雍州鄠縣東三十

五里

括地志元和志同

詩思齊雖雖在宮

穆天子傳

天子作居范宮注離宮之名

紀年穆王元年築

祇宮於南鄭

初學記鄭宮春宮見紀年穆王所

居宮

爾雅釋文竹書穆天子傳西王母來賓昭

宮

魯南宮

泮宮

見學  
校

申公傳漢興高祖過魯申公以弟子從師入見于魯南  
宮 史記正義括地志云泮宮在兗州曲阜縣西南二  
百里魯城內宮之內鄭云泮之言半也其制半於天子  
之璧雍

齊雪宮

孟子齊宣王見孟子於雪宮

劉熙曰離  
宮之名

說苑齊有梧

宮

秦祈年宮

漢志右扶風雍秦惠公都之有橐泉宮孝公起祈年宮

惠公起

史記正義祈年宮在岐州城西故城內

棧陽宮昭王起陳倉有羽

陽宮秦武王起好時有梁山宮始皇起

史記三十五年幸梁山宮即此

也號有號宮秦宣太后起

史記正義三秦記云霸城

秦穆公築為霸宮漢於此置霸陵縣

史記騶衍如燕

昭王築碣石宮身親往師之作主運

劉向別錄云鄒子書有主運篇後

漢志汝南城父有章華臺注杜預曰章華宮在華容縣

城內

漢雒陽南宮

後漢見下

高祖紀五年二月甲午即位西都雒陽五月置酒雒陽南宮上曰吾所以有天下者能用三傑六年十二月至

雒陽正月壬子上居南宮

張良傳云上居雒陽南宮

從複道上見諸

將往往耦語用張良計三月置酒南宮封雍齒七年四

月行如雒陽魏畧漢火行忌水故洛去水而加佳魏

於行次為土土水之牡也故變雒為洛

地理志注師古引魚豢曰云云

如魚氏說則光武以後改為雒

括地志南宮在雒州雒陽縣東北二

十六里洛陽故城中

大事記

高祖置酒雒陽南宮注

輿地志云

秦時已有南北宮更始自洛陽而西馬奔觸北宮鐵柱

門光武幸南宮却非殿則自高帝迄于王莽洛陽南北

宮武庫皆未嘗廢

車千秋子為雒陽武庫令趙涉勸周亞夫抵雒陽直入武庫

蓋秦

雖都關中猶放周東都之制建宮闕於雒陽

漢長樂宮

長信宮

又見下

朝儀

屯衛

紀高祖五年五月車駕西都長安後九月徙諸侯子關

中治長樂宮

史記七年二月宮成丞相已下徙治長安十年十月淮南梁燕荆楚齊長沙王皆來

朝長樂宮正義長樂宮在長安縣西北十五里

惠帝四年長樂宮鴻臺災宣帝

即位元平元年十一月壬子皇太后歸長樂宮初置屯

衛

呂后紀有長樂衛尉

元康四年三月神爵集長樂未央北宮高

寢甘泉泰畤殿中及上林苑五鳳三年三月辛丑鸞鳳

又集長樂宮東闕中樹上

張晏曰門外闕內行馬之裏樹也

成帝永始

四年四月長樂臨華殿灾

功臣表陽城延為少府作

長樂宮

叔孫通傳十月漢七年長樂宮成諸侯羣臣

朝因行朝儀惠帝四年為東朝長樂宮及間往數蹕煩  
民作複道方築武庫南通奏事乃詔立原廟鄒陽傳  
梁孝王嘗上書願賜容車之地徑至長樂宮自使梁國  
士衆築作甬道朝太后公孫攬見梁王曰能歷西山徑  
長樂抵未央攘袂而正議者獨大王耳東方朔傳武  
帝微行齋五日糧會朝長信宮注太后之宮也

漢表有長信少

府注曰太后所居宮名也居長信則曰長信少府居長樂則曰長樂少府後漢都洛陽亦有長信宮長樂宮又

有長秋宮

劉屈氂傳太子毆四市人至長樂西闕下逢丞



相軍合戰 魏相傳高帝所述書天子所服第八曰大

謁者臣章受詔長樂宮令羣臣議 王后傳載至長樂

宮謁太后

許后五日一朝太后於長樂宮

元后傳漢傳國璽藏長樂

宮 後鄧太后紀元初五年平望侯劉毅以太后多德

政欲令早有記注乞史官著長樂宮注從之 匱皇后

紀宮曰永樂置大僕少府以下皆如長樂宮故事注漢

官儀曰帝祖母稱長信宮帝母稱長樂宮後曰永樂宮

馬廖傳皇太后躬履節儉廖慮美業難終上疏長樂

宮以勸成儉德 黃圖長樂宮本秦之興樂宮也

高祖始居櫟陽七年長樂宮成徙居長安城三輔

舊事宮殿疏皆曰興樂宮秦始皇造漢修飾之周

回二十餘里前殿東西四十九丈七尺兩序中二

十五丈深十二丈有鴻臺臨華殿溫室殿長信宮

長秋永壽永寧等四殿

又曰長樂宮有椒房殿有鍾室闕中記宮中有殿

<sup>四十</sup>高帝始居此宮後太后常居之<sub>有街</sub>在長安城

中近東直杜門

水經杜門北對長樂城南東來第一門也

孝惠至平帝皆居

未央

惟高帝居此宮也

王莽改長樂宮為長樂室

坤元錄漢

長樂宮在長安縣北故城中

元和志長樂宮在長安

縣西北十五里

一作在縣十四里

長安志史記曰始皇二十

七年作長信宮又成帝母王皇后居長信宮班婕妤賦

求共養於東宮兮託長信之末流黃圖曰從路門至周

廟門有長信宮在其中

隋志京兆郡大興有長樂宮

三輔故事漢徙秦金狄寘長樂大厦殿前

後漢初

未央已焚故更始居長樂朝羣臣長安志長樂有宣德

通光高明長秋永壽永寧長亭林華溫室建始廣陽中  
室月室神仙椒房大夏殿惠帝自未央朝長樂武帝曰  
東朝廷辨之七國反景帝往來東宮謀於太后則長樂  
多為母后所居矣水經曰殿西有長信長秋永壽永昌  
等殿則長信長秋皆在長樂宮也 長樂者高帝既以

為居又以受朝無異於正宮矣自惠帝後人主皆居未  
央而長樂常奉母后 唐亦有長樂宮韋雲起迎謁高  
祖于長樂宮然非太后之居 未央在漢城西隅

而長樂乃東隅也秦樗里子百年前已言之李吉甫元和志言兩宮相去止隔一里此一里所即武庫

漢未央宮 前殿 東北闕 東西官

紀高祖七年

史記八年

上擊韓王信還二月至長安蕭何治

未央宮立東闕北闕前殿武庫太倉上見其壯麗甚怒曰天下匈匈勞苦數歲成敗未可知奈何治宮室過度也何曰天下方未定故可因以就宮室且天子以四海

為家非令壯麗亡以重威且亡令後世有以加也上說  
自櫟陽徙都長安九年冬十月淮南梁趙楚王朝未央  
宮置酒前殿上奉玉卮為太上皇壽羣臣皆稱萬歲大  
笑為樂惠帝四年七月未央宮凌室織室災呂后八年

朱虛侯從勃請卒千人入未央宮掖門

注非正門而在兩旁

文帝

即位夕入未央宮還坐前殿七年六月未央宮東闕災

恩災景帝中五年八月未央宮東闕災

五行志武帝太初元年十一月

未央宮柏

梁臺災

昭帝元鳳二年四月上自建章宮徙未央宮

大置酒宣帝入未央宮見皇太后羣臣奏上璽綬即位

元康元年三月詔曰甘露降未央宮四年三月詔曰神

爵集未央

郊祀志甘露元年夏建章未央長樂宮鐘簾銅人生毛時以為美祥又因方士言為隨

侯劔寶玉寶璧周康寶鼎立四祠於未央宮中成帝建始元年六月未央官殿

中朝者坐

注服虔曰公卿以下朝會坐也晉灼曰內朝臣之朝坐

三年秋關內大

水虜上小女走入橫城門闌入尚方掖門至未央宮鉤

盾中

王商傳建始三年秋京師民無故相驚言大水至天子親御前殿召公卿議

十二月地

震未央宮永始四年四月未央宮東司馬門災

五行志未央宮

帝所居也

功臣表陽城延為少府作未央宮

列傳翼奉

上疏曰孝文時未有甘泉建章及上林中諸離宮館也  
未央宮又無高門武臺麒麟鳳皇白虎玉堂金華之殿  
獨有前殿曲臺宣室溫室承明耳 李廣入為未央衛  
尉程不識時亦為長樂衛尉 灌夫丞相蚡謂曰程李  
俱東西宮衛尉注孟康曰李廣為東宮程不識為西宮  
范明友鄧廣漢東西宮衛尉 衛太子使舍人持節  
夜入未央宮殿長秋門發長樂宮衛 霍光召丞相御



史將軍列侯中二千石大夫博士會議未央宮 趙充

國以功德與霍光等列畫未央宮中 王商為丞相河

平四年單于見白虎殿丞相坐未央廷中單于拜謁

朱博為丞相趙元為御史大夫並拜於前殿延登受冊

傳昭儀傳哀帝即位王太后詔令傳太后丁姬十日

一至未央宮

孔光傳此宮有紫房複道通未央宮傳太后果從複道朝夕至帝所

孝平

后傳便時上林延壽門入未央宮前殿羣臣就位行禮

後紀順帝永和二年十月庚子幸未央宮會三輔郡

守都尉及官屬勞賜作樂 西京雜記漢高帝七

年蕭相國營未央宮因龍首山制前殿建北闕未

央宮周迴二十二里九十五步五尺街道周迴七

十里臺殿四十三其三十二在外其十一在後宮

池十三山六池一山一亦在後宮門闥凡九十五

黃圖未央宮周回二十八里前殿東西五十丈深十

五丈高三十五丈

一云三丈五尺

前殿曰路寢見羣臣諸侯處

也營未央宮因龍首山以制前殿

潘岳關中記曰未央宮殿皆疏龍首山上

之作山長六十里秦時有黑龍從南山出飲渭水其行道

因成土山西京賦所謂疏龍首以抗殿是也至孝武以

木蘭為桼橑文杏為梁柱金鋪玉戶華棖璧璫彫楹玉

碣重軒鏤檻青瑣丹墀

漢官典職曰丹墀地稱丹墀

左城右平有宣

室麒麟金華承明武臺鈎弋等殿又有殿閣三十有二

壽成萬歲廣明椒房清涼永延玉堂壽安平就宣德東

明飛羽鳳皇通光曲臺白虎等殿增城昭陽延平合歡

回東宣明長年溫室昆德承明等殿玉臺增盤閣麒麟

天祿閣金馬青瑣門畫堂甲觀非常室按舊圖云王莽

改未央宮曰壽成室前殿曰王路堂漸臺織室凌室

見惠

紀

皆在未央宮中注一本宣室温室清涼在未央殿北

宣明廣明在未央殿東昆德玉堂在未央殿西其中又

有麒麟金華承明殿石渠天祿麒麟閣金馬青瑣門元

武蒼龍二闕畫堂朱省堂甲觀非常室

又宣室閣見甘露四年鉤盾中

見建始三年

水經注渭水逕長安城北又東合昆明故渠

故渠東逕未央宮北蕭何斬龍首山而營之山長六十

餘里頭於渭尾達樊川頭高二十丈尾漸下高五六丈  
土色赤而堅北有元武闕即北闕也東有蒼龍闕闕內  
有閭闔止車諸門未央殿東有宣室玉堂麒麟含章白  
虎鳳凰朱雀鵷鷺昭陽諸殿天祿石渠麒麟三閣未央  
宮北即桂宮也周十餘里內有明光殿走狗臺柏梁臺  
舊乘複道用相逕通故渠出二宮之間謂之明渠明渠  
又東歷武庫北舊樗里子葬於此漢長樂宮在其東未  
央宮在其西武庫直其墓明渠又東逕漢長樂宮北本

秦之長樂宮也周二十里殿前列銅人殿西有長信長

秋永壽永昌諸殿 詩正義未央者前限未到之辭故

漢有未央宮古詩有樂未央 史記正義括地志云未

央宮在雍州長安縣西北十里長安故城中

元和志同  
十四里

史大事記高九年未央宮成置酒前殿太上皇輦上

坐

傷工於八年  
訖事於九年

說文序孝平時召爰禮等百餘人令

說文字未央廷中

夏侯勝傳宣帝初議  
廟樂羣臣大議廷中

闕門觀也劉熙釋名云闕在門兩旁中央闕然為道也

門闕天子號令賞罰所從出也

東闕 長安志漢書曰高祖七年蕭何立文帝七年六月未央宮東闕果愚災師古曰果愚為連闕曲閣也以覆重刻垣墉之處其形果愚然一曰屏也

果音浮

北闕 長安志漢書顏師古曰未央殿雖南嚮而上書奏事謁見之徒詣北闕公車司馬亦在北焉是則以北闕為正門而又有東門東闕至於西南兩面無門闕矣蓋蕭何立宮以厭勝之術

關中記曰未央宮東有蒼龍闕北有元武闕所謂北闕也闕中有閭闔門止車門廟記曰未央宮有白虎闕屬車闕西都賦其宮室也體象天地經緯陰陽據坤靈之正位倣太紫之圓方

注七畧曰明堂之制內有太室象紫微南出明堂象太微植

中天之華闕豐冠山之朱堂因瓌材而究奇抗應龍之

虹梁彫玉填以居楹裁金壁以飾璫

上林賦曰華棟壁璫

左城右

平重軒三階閨房周通門闔洞開列鍾簾於中庭立金人於端闈徇以離宮別寢承以崇臺閒館煥若列宿紫



微是環清涼宣溫神仙長年金華玉堂白虎麒麟區宇

若茲不可殫論增盤崔嵬登降炤爛殊形詭制每各異

觀 西京賦覽秦制跨周法正紫微於未央

注辛氏三秦記曰未央

央官一名紫微官

表境關於閭闔

注閭闔紫微官門名三秦記未央官有竟閭闔闔

龍首以抗殿狀巍峩以岌業亘雄虹之長梁結焚燎以

相接飾華棟與璧璫流景曜之韡曄雕楹玉碣繡栢雲

楣三階重軒鏤檻文櫬右平左城青瑣丹墀重門襲固

姦宄是防仰福帝居陽耀陰藏洪鍾萬鈞猛虛趨趨朝

堂承東溫調延北西有玉臺聯以昆德長年神仙宣室

玉堂麒麟朱鳥龍興含章衆星環極赫赫戲輝煌正殿路

寢用朝羣辟大夏耽耽九戶開闕

注九室室有一戶

高門有闕

列坐金狄

三輔故事大夏殿始皇造銅人十枚在殿前

東京賦高祖因秦

宮室作洛之制我則未暇西匠營宮目翫阿房損之又

損然尚過於周堂觀者狹而謂之陋帝已譏其泰

而不康 晉義熙十三年劉裕克關中九月大會

文武於未央殿石虎建武十一年城長安未央

宮

漢櫟陽宮

紀高帝二年十一月還歸都櫟陽

地理志左馮翊櫟陽秦獻公自雍徙六

月還櫟陽壬午立太子令諸侯子在關中者皆集櫟陽

為衛

蕭何傳守關中侍太子治櫟陽

六年三月上歸櫟陽五日一朝太

公五月丙午詔曰子有天下尊歸於父尊太公曰太上

皇七年二月至長安蕭何治未央宮自櫟陽徙都長安

唐盧懷慎傳高祖受命五日一朝太公於櫟陽宮

漢沛宮

高紀十二年冬十月上破黥布軍於會缶

注 黥縣  
鄉名

還過

沛留置酒沛官悉召故人父老子弟佐酒發沛中兒得  
百二十人教之歌酒酣上擊筑自歌起舞忼慨傷懷泣  
數行下謂沛父兄曰游子悲故鄉吾雖都關中百歲之  
後吾魂魄猶思沛其以沛為朕湯沐邑復其民世世無  
有所與沛父老諸母故人日樂飲極歡道舊故為笑樂  
十餘日乃去沛中空縣皆之邑西獻上留止張飲三日

并復豐比沛 禮樂志孝惠時以沛宮為原廟令歌兒

習吹相和以百二十人為員哀帝時孔光定鼓員十二

人 光武紀幸沛祠高原廟 肅宗紀章和元年幸梁

遣使祠沛高原廟豐粉榆社

與太宗幸武功故宮光武置酒南陽舊宅相類

蓋延傳建武二年延定沛修高祖廟置嗇夫祝宰樂人

括地志沛宮故地在徐州沛縣東南二十里一步

史記正義十三州志云漢興四年改泗水為沛郡理相

城故以沛為小沛括地志云泗水亭在徐州沛縣東一

百步有高祖廟 周庾信作置酒沛宮贊 柳宗元漢

原廟銘曰原廟沛宮之舊也祀蚩尤於是庭而赤精降  
導靈命於是邦而羣雄至登布衣於萬衆而子孫得以  
續其緒化環堵為四海而黎元得以安其業基岱岳之  
高原洪河之長蓄靈擁休此焉發跡

或云班固為  
碑宗元為銘

### 漢黃山宮

地理志右扶風槐里有黃山宮孝惠二年起

在潯水入  
渭之下渭

在宮  
南

黃圖黃山宮在興平縣西三十里

元和志  
云西南

武帝

微行西至黃山宮即此

見東方朔傳

元后傳太后秋歷東

館望昆明集黃山宮

注在槐里

冬饗飫飛羽

殿在未央宮中羽或作雨

校

獵上蘭

觀在上林中

登長平館臨涇水而覽焉

水經渭水

東北逕黃山宮南

西京賦上林禁苑繞黃山而欵牛

首

漢甘泉宮

竹宮

前殿

紫殿

雲陽宮

林光宮

明庭宮

紀文帝三年五月十年冬幸甘泉

注師古曰甘泉在雲陽本秦林光宮

武

帝元鼎四年六月得寶鼎

以禮祠迎至甘泉  
歲帝庭合明應

五年十一

月辛巳朔旦冬至立泰時于甘泉天子親郊見朝日夕

月

漢儀注郊泰時皇帝平旦出竹宮東向揖日其夕西  
向揖月不用春秋也晉禮儀志同黃圖甘泉祠宮

以竹為宮天子居中漢  
舊儀竹宮去壇三里

天漢四年正月朝諸侯王于甘

泉宮太始三年三月行幸甘泉宮饗外國客後元二年

正月朝諸侯王于甘泉宮宣帝元康四年三月神爵集

甘泉泰畤殿中甘露三年正月黃龍元年正月行幸甘

泉匈奴呼韓邪單于稽侯獬來朝

匈奴傳甘露三年正  
月朝天子于甘泉宮



元帝初元三年六月詔罷甘泉宮衛令就農成帝永始

四年正月幸甘泉郊泰畤神光降集紫殿 郊祀志

兼紀

年建元三年武帝因齊人少翁

拜為文成將軍

言作甘泉宮中

為臺室畫天地太乙諸鬼神而置祭具以致天神元鼎

四年夏六月得鼎

汾陰得寶鼎藏於甘泉宮羣臣皆上壽賀

公孫卿曰黃帝

接萬靈明庭明庭者甘泉也五年冬十月幸甘泉具泰

一祠六年冬公孫卿言見仙人迹緱氏城天子幸緱氏

元封二年春公孫卿言見神人東萊山天子幸緱氏遂

至東萊無所見見大人跡云公孫卿曰仙人可見上往  
常遽以故不見今陛下為館如緱氏城置脯棗神人宜  
可致且仙人好樓居於是上令長安作飛廉桂館甘泉  
作益壽延壽二館使卿持節設具而候神人迺作通天  
臺置祠具其下於是甘泉更置前殿始廣諸宮室

選注  
因秦

林光官增通天  
迎風儲骨露寒

夏六月有芝生甘泉殿房中

史記云天  
防內中

子為塞河興通天若有光云

漢舊儀九莖金色  
綠葉朱實夜有光

迺下詔

甘泉房中生芝九莖赦天下太初元年春受計甘泉公

孫卿曰黃帝就青靈臺十二日燒黃帝乃治明庭明庭者甘泉也方士多言古帝王有都甘泉者其後天子又朝諸侯甘泉甘泉作諸侯邸宣帝神爵元年正月幸甘泉郊見泰畤數有美祥修武帝故事盛車服齊祠之禮頗作詩歌甘露三年正月上郊泰畤因朝單于於甘泉宮黃龍元年正月復幸甘泉郊泰畤又朝單于於甘泉宮元帝即位遵舊儀間歲正月一幸甘泉郊泰畤成帝建始元年十二月徙甘泉泰畤於長安南北郊永始元

年三月復甘泉祠 禮樂志武帝祠大一於甘泉就乾

位也

師古曰言在京師之西北

正月上辛用事甘泉園丘昏祠至明

夜有神光集祠壇天子自竹宮望拜

韋昭曰以竹為宮天子居中師古曰

漢舊儀云竹宮去壇三里

列傳金日磾母詔圖畫於甘泉宮

又圖畫李

夫人於甘泉宮

上幸林光宮注師古曰林光宮秦二世所造

郊祀志注秦離宮名

漢又於其旁起甘泉宮

括地志秦之林光宮漢之甘泉在雍州雲

陽西北八十里

劉德數言事召見甘泉宮武帝謂之千里駒

翟方進為司直從上甘泉行馳道中既至甘泉宮會

殿中 揚雄孝成帝時方郊祀甘泉泰畤汾陰后土以

求繼嗣雄從上甘泉還奏賦以諷

大選注漢書曰永始四年正月行幸甘泉

七畧曰甘泉賦永始三年正月待詔臣雄上漢書無幸甘泉之文疑七畧誤

其辭曰惟漢十

世將郊上玄定泰畤云云逕逕離宮般以相燭兮封巒石

闕迤靡虜延屬大夏雲謠波詭摧確而成觀翠玉樹之

青葱兮璧馬犀之隣璊金人仡仡其承鍾虜兮嵌巖巖

其龍鱗配帝居之縣圃兮象泰壹之威神洪臺崛其獨

出兮擢北極之嶸嶸列宿乃施於上榮兮日月纔經於

枅振歷倒景而絕飛梁兮浮蔑蠓而撒天左欂櫨而右

玄冥兮前燁闕而後應門

燁亦色

覽樛流於高光兮

服虔曰高

光官名

溶方皇於西清

西箱

前殿崔巍兮和氏瓏玲炕浮柱

之飛榱兮神莫莫而扶傾乘雲閣而上下兮紛蒙籠以

棍成曳紅采之流離兮颺翠氣之宛延排玉戶而颺金

鋪般倬棄其剗剗兮王闡投其鉤繩珍臺間館璇題玉

英蝓蝓蠖濩之中齊虜陽靈之宮集虜禮神之圓登乎

頌祇之堂度三巒兮偁棠藜增宮嶠差駢嵯峨兮云甘

泉本秦離宮既奢泰武帝復增通天高光迎風宮外近

則洪厓旁皇儲胥弩法遠則石關封巒鵠露寒棠梨

師得遊觀屈竒瑰偉

師古曰棠梨宮在甘泉苑垣外師得宮在櫟陽界其餘皆甘泉苑垣

內之宮觀也

其為已久非成帝所造欲諫則非時欲默不能

已故遂推而隆之乃上比於帝室紫宮若曰非人力所

為儻鬼神可也又是時趙昭儀方大幸每上甘泉常法

從王褒甘泉頌甘泉山天下顯敞之處也

文選注甘泉山名下

有甘泉水因以名之前接大荆後臨北極左撫仁鄉右望素域其

宮室也。鏤螭龍而造牖，采雲氣以為楣。神星羅於題，鄂

虹蜺往往而繞棟。想聖主之優游，時娛神而款縱。坐鳳

皇之堂，聽和鸞之弄。臨麒麟之域，驗符瑞之貢。詠中和

之歌，讀太平之頌。

本傳：元帝為太子，喜襲所為，洞簫及甘泉頌。

曰：編璫瑀之文，欒魏都賦。注引王褒甘泉賦。

劉歆賦：迴天門而鳳舉，躡黃

帝之明庭。續志：大駕公卿奉引，大將軍驂乘，屬車八

十一，乘備千乘萬騎。西都行祠，天郊甘泉，備之官有其

注名曰甘泉鹵簿。

服虔曰：大駕八十一乘，作三行。尚書：御史乘之，最後一乘，插豹尾。以前皆



為省中 東方朔別傳武帝幸甘泉長平阪朔在屬車中

黃圖甘泉宮一曰

雲陽宮史記始皇二十七年作甘泉宮及前殿築

甬道自咸陽屬之

入三十二年為直道道九原通甘泉

闕輔記

甘泉宮一曰雲陽宮一曰林光宮本秦造在今池陽

縣西甘泉山宮以山為名周匝十餘里漢武建元中增

廣之周十九里去長安三百里望見長安城黃帝以來

員丘祭天處開山圖雲陽先王之墟也武帝造赤闕於

南以象方色於甘泉宮更置前殿始廣造宮室有芝生

甘泉殿邊房中漢舊儀九莖金色綠葉朱實夜有光乃作芝房歌又起紫殿彫文刻鏤黼黻以玉飾之甘泉有

高光宮又有林光宮

黃圖又云林光宮縱廣各五里在雲陽縣界

有長定宮

竹官通天臺通靈臺武帝作迎風館

元封二年

後加露寒儲

胥二館皆在甘泉中西廂起彷徨觀築甘泉苑建元中

作石關封巒鳩鵲觀於苑垣內宮南有昆明池苑南有

棠梨宮

西都賦冠以九嶷陪以甘泉乃有靈宮起乎

其中秦漢之所極觀淵雲之所頌歎注漢宮闕疏曰甘

泉林光宮秦二世造 西京賦覩往昔之遺館獲林光

於秦餘

臣贊曰林光秦離宮名

處甘泉之爽塏乃隆崇而弘敷既

新作於迎風增露寒與儲胥

李善注元封二年增

託喬基於山岡

直埤霓以高居

文景帝幸甘泉不言有宮恐是林光如故武帝後方增朔一宮耳

元

和郡縣志甘泉宮武帝以五月避暑於此八月乃還

漢傳

征和二年夏上辟暑甘泉宮

洞冥記武帝起超仙之臺於明庭宮

北明庭者甘泉別名思趙倢伃起通靈臺於甘泉宮

漢甘泉宮記

唐仲友

漢有區夏作都長安封畿之內官館

環列蓋數十百所天子以時講事鑾輿行幸各有攸處而文物之盛莫如甘泉蓋自孝文迄於元成嘗於此整軍經武祀神考政行慶賞朝會之禮非止為清暑也其珍臺閒館增飾崇麗極屈奇偉之觀亦非它官比當時鴻儒碩生若相如枚臯王褒揚雄之儔從屬車之清塵預觀盛典類能持簡操筆揚厲偉蹟故讚功論德則有子淵之頌主文譎諫則有子雲之賦辭意既盛美矣獨未聞登載本末勒諸金石非闕文歟謹追述而記之曰

璇穹垂象躔次彪列營室之東離官辨位王良之南閣  
道循軌王者憲天御極肇建宸居必有增宮別館以備  
臨幸夫豈事奢泰以侈遊觀哉蓋將隆上都規億載非  
壯麗亡以重威不軌物何以示訓是以夏都冀方啓有  
鈞臺之饗周宅鎬京康有艷宮之朝考室之制其來尚  
矣粵茲靈宮奠居乾維昔帝鴻氏於此接萬靈祭上帝  
是謂明庭天嘗假力于秦以營宮室是謂林光漢曰甘  
泉蓋因山以更命之也爰自孝文實始巡幸命將撫師

克固吾園稽古禮文我則未暇洎我孝武重熙累洽迺  
詔共工繕治增益元朔之初則作臺室以畫鬼神元鼎  
之間則立泰畤以展郊拜延壽通天前殿諸侯王邸又  
初於元封太初之際故其繚牆之內宮館相望近則洪  
厓旁皇儲胥駉陸遠則石關封巒鳩鵲露寒高光迎風  
起於中棠梨師得接於外光明神麗迤靡連屬紫宮  
元圃之居不是過也始元朔迄于後元法駕清蹕相繼  
戾止蒐講墜典靡不在焉受計者一郊泰畤者三朝諸

侯王者再外國之客饗於是汾陰之鼎藏於是祠神君  
賜宗室東封北巡發軔弭節周旋于茲號令文章煥焉  
可述矣孝宣中興復修故事益嘗即此四拜泰一再朝  
呼韓功烈茂盛增光祖宗降及元成猶遵遺業執珪幣  
以事上帝凡九至焉茲禮樂之所自出德業之所由著  
豈與長楊五柞為校獵之地貧陽宣曲置更衣之所窮  
奢極欲以快心目者同日道哉武宣之世上天降鑒眷  
顧與宅靈芝產齋房黃雲覆寶鼎路弓獲鹿於中山美

光兆祥於泰時神爵五采萬數翔集神光並見燭曜齋  
宮滋至之休著於茲宮者史不絕書矣成帝之初丞相  
御史議罷泰時則天出警戒風毀作宮暨帝復行薦饗  
則仍有神光降集紫殿得非斯宮之作克厭帝心哉雖  
然虜祈築而謗興靈臺作而民附宮室之建禍福之階  
也則夫垂衣拱手蠅蚋蠖濩之中可不思乎是故飭躬  
齋精必念夫逆釐三神負扆聽斷必念夫施澤四海四  
夷君長俯伏渭橋必思夫威德之所加冠裳玉帛羣后



咸在必思夫恩禮之所浹神祇降嘏則抑畏自度天戒  
垂示則恐懼修省夫然故事無過舉方外蒙福宮室之  
奉可安享也苟不思政事而樂逸游不修典禮而懷宴  
安則厥鑒不遠在秦皇之世居是宮者甚可畏哉若乃  
玉樹馬犀金人鍾虡之屬子雲已能賦之至於日磾之  
母圖於宮中昭儀之寵麗於法從衛尉之罷置郊時之  
因革皆不係於作宮之旨班史具在茲不復書 程大

昌曰古以甘泉名宮者三秦甘泉在渭南漢甘泉在雲

陽磨石嶺上隋甘泉在鄠縣長安志曰磨石嶺有甘泉

十道志曰甘泉出石鼓西原漢宮在山上即秦林光宮

旁取石鼓甘泉以名隋宮在鄠縣西南二十里對甘泉

谷

鄠即夏之扈古有甘亭唐有甘泉鄉

惟秦之甘泉史嘗明言在渭之南

而無言在渭南何地者始皇紀迎太后于雍入咸陽復

居甘泉宮

括地志秦甘泉宮去長安三百里望見長安

徐廣曰表云咸陽南

宮秦時咸陽跨渭南北則此宮在渭南又曰章臺上林

皆在渭南自極廟道通鄠山作甘泉前殿築甬道自咸

陽屬之則甘泉前後必近上林即鄠縣也安知隋宮不  
襲秦舊邪秦之林光至漢猶存元封二年始即磨盤嶺  
山秦宮之側為宮是為漢甘泉孟康曰甘泉一名林光  
師古曰漢於林光旁起宮非一名也文景皆幸甘泉不  
曰有宮當是秦林光尚可用也戰國策范雎說秦王曰  
北有甘泉谷史記秦地北有甘泉谷口之固即雲陽縣甘泉山也武帝  
雖別剏一宮而林光如故帝非特備游觀信方士明庭  
之語求自通於仙故增之又增如秦時仙掌露盤泰壹

諸畫象盡在其上此山距長安已三百里而望見長安  
城堞上有通天臺雲雨悉在臺下宮殿臺觀略與建章  
比而百官皆有邸舍帝以五月避暑八月乃歸元和志  
曰登山必自車箱阪阪在雲陽西北三十八里縈紆才  
通單軌上阪即平原宏敞樓觀相屬黃圖與史不合如  
思子宮在湖之渭南也萬歲宮在汾陰河東也而圖皆  
以宮隸甘泉甘泉自在渭北非誤邪北史後周  
有雲陽宮唐志京兆府鄠縣東南三十里有隋

太平宮西南二十二里有隋甘泉宮雲陽有甘泉山  
通鑑唐太宗貞觀二十年八月鐵勒十一姓入貢  
壬申上幸漢故甘泉宮

漢高光宮

見上

漢長楊宮 五柞宮

地理志扶風盩厔縣有長楊宮有射熊館秦昭王起  
紀武帝後元二年二月行幸盩厔五柞宮注有五柞木

因以名宮 武帝往來長楊五柞宮注師古曰二宮並

在盤屋皆以樹名之

宣紀

元帝永光五年冬幸長楊宮

射熊館布車騎大獵 成帝元延二年冬幸長楊官從

胡客大校獵宿黃陽宮賜從官 列傳東方朔武帝微

行丞相御史使右輔都尉徼循長楊以東後乃私置更

衣從宣曲以南十二所投宿諸官長楊五柞倍陽宣曲

尤幸朔進諫云 司馬相如嘗從武帝至長楊獵天子

好自擊熊豕馳逐墜獸因上疏諫 揚雄上長楊賦曰

振師五柞習馬長楊 張放從上微行出游北至甘泉

南至長楊五柞 黃圖長楊宮在盩厔縣東南三十里

元和志三十三里

本秦舊宮漢修飾之以備行幸宮中有垂楊

蔭數畝因以為名門曰射熊秦漢游獵之所長楊樹在

長楊宮秋令校獵其下命武士搏射禽獸天子登此以

觀馬

臺上有木曰樹

五柞宮漢之離宮也

元和志云秦五柞宮

在盩厔

元和

志在縣東南三十八里

宮中有五柞樹因以名中有青梧觀

執金吾廣

意侍詔五柞宮

水經注渭水北流長楊宮西 西都賦歷長

楊之榭 西京賦集乎長楊之宮相羊乎五柞之館上

林禁苑掩長楊而聯五柞

注長楊五柞皆宮中五柞亦館名有五株柞樹

潘

岳西征賦清暑之館五柞之宮交渠引漕激湍生風乃有昆明池乎其中

漢棧陽宮

文紀後二年夏行幸雍棧陽宮注秦昭王所作也 地

理志右扶風雍縣棧陽宮秦昭王起 郊祀志武帝征

和四年修封泰山是歲雍縣無雲如雷者三或如虹氣



蒼黃若飛鳥集械楊官南有司以為美祥 蘇武傳長

君

武兄  
嘉

為奉車從至雍械陽官 黃圖械陽官在今岐

州扶風縣東北 文選注東觀漢記曰濟陽有武帝行

過官

### 漢回中官

匈奴傳孝文十四年騎兵入燒回中官候騎至雍甘泉

注師古曰回中在安定

原州

其中有官

應劭  
注同

黃圖秦始

皇二十九年巡隴西過回中文帝十四年匈奴入蕭關

燒回中宮元封四年冬十月幸雍通回中道

注見下  
首山宮遂

北出蕭關

天漢二年春行幸  
東海還幸回中

又有三良宮相近

括地

志秦回中宮在岐州雍縣西四十里

一云三十里  
和志謂宮為秦宮

在鳳翔天興縣西

黃圖曰官在渭



玉海卷一百五十五

欽定四庫全書

子部

玉海卷一百五十六

詳校官中書臣張經田

主事臣祁韻士覆勘

總校官進士臣朱鈐

校對官中書臣徐秉敬

謄錄監生臣趙之璧

欽定四庫全書

玉海卷一百五十六

宋 王應麟 撰

宮室

宮二

漢宜春宮 棠梨宮 宣曲宮

司馬相如傳上林賦鑿石闢歷封巒過雉鵲望露寒

張注

楫曰此四觀建元中  
作在雲陽甘泉宮外

下棠梨息宜春

張楫曰棠梨宮名  
在雲陽南三十里

一云東南三十里師古曰宜春宮名  
在杜縣東即今曲江池是其處也  
西馳宣曲濯鷁牛

首

張揖曰宣曲宮名在昆明池  
西牛首池名在上林苑西頭

登龍臺掩細柳觀相如

嘗從上至長楊獵還過宜春宮奏賦以哀二世行失曰

登陂陲之長阪兮坐入曾宮之嵯峨臨曲江之隍洲兮

望南山之參差

張揖曰隍長也苑中有曲江之象中有  
長洲師古曰臨曲岸之洲今謂曲江

史記正義曲池武帝造  
周廻五里在宜春苑中觀衆樹之蓊薳兮覽竹林之榛

榛東方朔傳建元三年微行北至池陽西至黃山南

獵長楊東游宜春置更衣從宣曲以南十二所中休更

衣投宿諸官長楊五柞倍陽宣曲尤幸

師古曰  
皆官名

揚雄

傳棠梨師得

師古曰棠梨官在甘泉苑  
垣外師得官在櫟陽界

百官表長水校

尉掌宣曲胡騎

師古曰宣  
曲觀官

黃圖宣曲官在昆明池西

孝宣帝曉音律嘗於此度曲因以名官宜春官本秦之

離宮在長安城東南杜縣東近下杜在鄠者宜春觀

郭璞

曰在渭南棠梨官在甘泉苑垣外雲陽南三十里

括地志

秦宜春宮在雍州萬年縣西南三十里宜春苑在宮之

東杜之南

漢龍淵宮

龍淵劍

武紀元光三年夏五月河決濮陽汜郡十六發卒十萬  
救決河起龍淵宮注孟康曰在西平界其水可用淬刀  
劍特堅利古龍淵之劍取於此水服虔注宮在長安西  
作銅飛龍故以冠名也如淳曰黃圖云有龍淵宮今長  
安城西有其處溝洫志救河決亦起龍淵宮於其旁師  
古曰黃圖云龍淵廟在茂陵東不言宮也此言救決河  
而起龍淵宮即不在長安西矣又章帝賜尚書韓稜龍

淵劍孟說是

劉攽曰非因救河起宮黃圖所說是德陽廟亦云宮

韓稜傳楚龍

淵注晉太康地記云汝南西平縣有龍淵水可淬刀劍

汝南即楚分野

史記公孫龍為堅白同異之辨注同

國史志澶州濮陽

縣有龍淵宮

景紀中四年春三月起德陽宮

注臣瓚曰景帝廟也西京故事云景帝廟為德陽

漢宣防宮

見河渠 括地志故龍泉宮俗名瓠子宮在濮州濮陽



縣北十里州西北九十里元光中河決瓠子塞決河之傍龍泉之側因以為名

漢三雍宮

三宮

見明堂

河間獻王傳獻王修學好古其學舉六藝修禮樂被服儒術山東諸儒多從之游武帝時獻王來朝

元光五年十月獻

雅樂對三雍宮及詔策所問三十餘事其對推道術而言得事之中文約指明注三雍宮靈臺辟雍明堂也雍和也言天地君臣人民皆和也 藝文志儒家河間獻

王對上下三雍宮五篇 後桓榮傳永平二年三雍初

成拜榮為五更

李躬為三老

每大射養老禮畢帝輒引榮及

弟子升堂執經自為下說 又中元元初建三雍

### 漢扶荔宮

黃圖在上林苑元鼎六年破南越起扶荔宮以植所得  
奇草異木菖蒲山薑桂龍眼荔枝檳榔橄欖柑橘之類  
西京雜記初修上林苑羣臣遠方各獻名果異木亦  
有製為美名以標奇麗就上林令虞淵得朝臣所上草

木名二千餘種 宋朝嘉祐中劉敞守長安得林  
華宮行鐙銘蓮勺宮銅博山爐下槃銘皆漢五鳳  
中造 金石錄廩丘宮鐙銘甘露三年造宮不見  
于史

漢首山宮 高靈館

武紀元封四年冬十月行幸雍通回中道

孟康曰回中在北地武帝

故宮黃圖云  
回中宮在汧

六年冬行幸回中春作首山宮二月幸河

東祠后土詔曰朕禮首山昆田出珍物化或為黃金祭

后土神光三燭注應劭曰首山在上郡於其下立官廟也文穎曰在河東蒲阪界師古曰文說是黃圖武帝

元封元年封禪後夢高祖坐明堂朝羣臣於是祀高祖於明堂以配天作首山宮以為高靈館

漢建章宮 前殿 鳳闕 玉堂 璧門 天

梁宮 四殿 漢宮室制度圖

武紀太初元年二月起建章宮

注師古曰在未央宮西今長安故城西俗所稱

正女樓即此宮之闕也

太始四年五月還幸建章宮大置酒赦天

下

天漢四年夏征和元年春正月皆行幸史罕書臨幸皆從飛閣越城以出也

郊祀志柏

梁災

太初元年十一月乙酉

粵人勇之曰粵俗有火災復起屋必

大用厭勝之於是作建章宮度為千門萬戶前殿度高

未央其東則鳳闕高二十餘丈其西則商中

商庭也西方之庭

數十里虎園其北治大池漸臺高二十餘丈名曰太液

池中有蓬萊方丈瀛洲壺梁象海中神仙龜魚之屬其

南有玉堂璧門大鳥之屬立神明臺井幹樓高五十丈

輦道相屬焉東方朔傳陛下以城中為小圖起建章

左鳳闕右神明號稱千門萬戶土木衣錦繡撞萬石之  
鍾擊雷霆之鼓使民不奢侈難矣能燔甲乙之帳却走

馬示不復用堯舜可比矣

史記東方朔傳建  
章後閣有騶牙見

百官表

太初元年置建章營騎

李陵衛青為建章監青給  
事建章召為建章監侍中

紀

昭帝始元元年二月黃鵠下建章宮太液池中公卿上

壽元鳳二年四月上有建章宮徙未央大置酒宣帝元

康元年冬置建章衛尉甘露三年正月匈奴呼韓邪單

于來朝置酒建章宮饗賜單于觀以珍寶元帝初元三

年六月罷甘泉建章宮衛 黃圖建章宮在長安城外

於未央宮西跨城池作飛閣通建章宮構輦道以上下

宮之正門曰閭闔高二十五丈亦曰壁門左鳳闕高二

十五丈

三輔舊事鳳闕武帝造高二十五丈五尺一名別風闕又曰雉曉闕門內二百步

右神

明臺門內北起別風闕高五十丈對峙井幹樓高五十

丈連閣皆有累恩前殿下視未央其西則廣中殿受萬

人有玉堂函德等二十六殿太液池唐中池三輔舊事

建章宮周回三十里又於宮門北造圓闕高二十五丈

上有銅鳳皇

古歌云長安城西有雙闕  
上有雙銅爵即銅鳳皇也

關中記上林

苑中有宮十二建章其一也圓闕臨北道括地志建

章宮在雍州長安縣西二十里長安故城西

元和志同

西

都賦輦路經營修涂飛閣自未央而連桂宮北彌明光

而亘長樂陵塏道而超西墉混建章而外屬

東都賦建章甘泉館

御列仙設壁門之鳳闕上觚稜而棲金爵內則別風之嶠

嶢眇麗巧之竦擢張千門而立萬戶順陰陽而開闔爾

乃正殿崔嵬層建厥高臨乎未央經駘盪而出馭娑洞



杓詣以與天梁

官名

上反宇以蓋戴激日景而納光

注三輔政

事曰建章宮有折風闕關中記一名別風又關中記曰建章宮有馭娑胎盭杓詣承先四殿黃圖胎盭官春

時景物滿官中也馭娑官馬行迅疾一日過官中言宮之大也杓詣官木名宮中美木茂盛也天梁官梁木至

於天言官之高也四宮皆在建章宮又有奇華殿鼓簧宮神明鬱其特起遂偃蹇而

上躋軼雲雨於大半虹霓迴帶於焚楣攀井幹而未半

目眴轉而意迷步甬道以縈紆又杳窳而不見陽排飛

闥而上出若遊目於天表似無依而洋洋前唐中而後

太液覽滄海之湯湯

注未央宮在西長樂在東桂宮明光宮在北建章宮在城西

西京賦柏梁既災越巫陳方建章是經用厭火祥營宇  
之制事兼未央圓闕竦以造天若雙碣之相望鳳騫翥  
於薨標咸遡風而欲翔閭闔之內別風嶢嶢干雲霧而  
上達狀亭亭以岩岩神明崛其特起井幹疊而百層上  
飛闔而仰眺正睹瑤光與玉繩馭娑駘盪杙詣承光反  
宇業業飛檐轆轤流景內照引曜日月天梁之宮實開  
高闈長廊廣廡連閣雲蔓開庭詭異門千戶萬珍臺蹇  
產以極壯嶠道灑倚以正東似閭風之遐坂橫西洳而

絕金墉城尉不弛柝而內外潛通前開唐中顧臨太液  
清淵洋洋神山峩峩列瀛洲與方丈夾蓬萊而駢羅立  
脩莖之仙掌承雲表之清露屑瓊藥以朝餐必性命之  
可度薛琮注國闕上作鐵鳳凰令張兩翼舉頭數尾以函屋上下有轉樞向風如將飛晉張  
華傳武帝嘗問漢宮室制度及建章千門萬戶華畫地  
成圖左右屬目帝甚異之

漢迎年宮 延年宮 望仙宮

郊祀志太初三年上東巡海上考神仙之屬未有驗者

方士有言黃帝時為五城十二樓

崑崙玄圃五城十二樓仙人所居

候神人於執期

地名

曰迎年

若言祈年

上許作之如其方名

曰祈年上親禮祀上犢黃馬太始三年東幸琅邪禮日

成山登之杲

地理志東萊縣有之杲山祠也

浮大海用事八神延年

即迎年也

按元封元年四月癸卯封太山詔用事八神

漢宮閣名長安有祈年

宮延壽宮

漢武故事長安有通天宮

郭子橫洞冥記

元封三年起望仙宮

漢明光宮

明光殿省

武紀太初四年秋起明光宮注師古曰黃圖云在城中

元后傳成都侯商病欲避暑從上借明光宮注在城

內近桂宮 平紀元始元年六月罷明光宮及三輔馳

道 黃圖明光宮在長樂宮後南與長樂宮相屬武帝

求仙起明光宮發燕趙美女二千人充之三秦記曰桂

宮中有明光殿皆金玉珠璣為簾箔處處明月珠晝夜

光明明光殿以金為紀玉為階

一本云此宮在甘泉宮中

西都賦

彌明光而亘長樂注三輔舊事曰桂宮內有明光殿

西京賦屬長樂與明光徑北通于桂宮注明光殿直北

通桂宮 漢官儀尚書奏事於明光殿省中以丹朱采

地曰丹墀尚書伏其下奏事

程氏以此殿為東都之殿後漢門名有建禮門黃門

侍郎撰疏受事

程大昌曰漢有明光宮三一在北宮與長樂

相連一在甘泉宮中一為尚書奏事之地

漢桂宮 四寶宮 北宮

三輔黃圖桂宮漢武帝太初四年秋起周回十餘里

一本

云周匝四十里

在未央宮北

元和志在長安縣北十三里長安故城中

漢書桂宮有

紫房複道通未央宮闕輔記桂宮通未央宮北中有明  
光殿土山複道從宮中西上城西至建章宮神明臺蓬  
萊山三秦記未央宮漸臺西有桂宮中有明光殿皆金  
玉珠璣為簾箔綴明月珠金玳玉階晝夜光明西京雜  
記武帝為七寶牀雜寶案寶屏風列寶帳設於桂宮時  
人謂之四寶宮

長安記曰桂宮在未央宮北亦曰北宮

北宮在長安城中

近桂宮俱在未央宮北周回十里高帝時制度草創孝  
武增修之中有前殿廣五十步珠簾玉戶如桂宮漢書

曰孝惠孝成皇后廢處北宮哀帝皇后居桂宮 西都

賦輦路經營修塗飛閣自未央而連桂宮 西京賦鈎

陳之外閣道穹窿屬長樂與明光徑北通乎桂宮

郊祀志置壽宮北宮

括地志在長安西北十三里

張羽旗設共具以

禮神君神君所言上使受書名曰畫法

策畫之法

東方朔

傳武帝嘗從董偃遊戲北宮馳逐平樂於是上為寶太

主置酒宣室朔時陞戟殿下辟戟而前有詔更置酒北

宮引董君從東司馬門入更名東交門 霍光傳昌邑



王駕法駕皮軒鸞旗驅馳北宮桂宮注師古曰在未央  
宮北 宣紀元康四年三月詔曰神爵集北宮 成紀

為太子居桂宮上嘗急召太子出龍樓門不敢絕馳道

師古曰黃圖桂宮在城中近北宮非太子宮

建始二年三月北宮井水溢出

平紀孝哀皇后傅氏退居桂宮注師古曰桂宮在城

中非未央宮中 孔光傳光議定陶太后宜改築宮何

武曰可居北宮上從武言北宮有紫房複道通未央宮

傅太后果從複道朝夕至帝所

漢長信宮 永信宮 中安宮 長秋宮 儲

元宮 永樂宮 東宮 東朝

哀紀綏和二年上即位五月丙戌尊定陶太后丁姬各

置左右詹事食邑如長信宮中宮

注成帝母王太后居長信宮中宮皇后之

宮建平二年夏四月詔尊共皇太后曰帝太太后稱永

信宮共皇后曰帝太后稱中安宮 百官志詹事屬官

有長信詹事掌皇太后宮景帝中六年更名長信少府  
平帝元始四年更名長樂少府注居長信宮則曰長信

居長樂宮則曰長樂 東方朔傳武帝夜出夕還齋五日糧會朝長信宮注五日一朝長信宮故齋五日糧長信太后之宮也 霍光傳出入長信宮殿中通籍長信

宮 王嘉傳哀帝為董賢治器自貢獻宗廟三宮猶不

至此

劉原父曰太皇太后稱長信宮傳太后永信宮丁姬中安宮故稱三宮

班婕妤傳

求共養太后長信宮上許之退處東宮作賦曰奉共養於東宮託長信之末流 杜欽傳唯陛下數御安車由輦道親二宮之饗膳注韋昭曰邛成太后與成帝母

續志帝祖母稱長信宮故有長信少府

後漢都洛陽亦有長信宮長樂

宮又有長秋宮 漢官儀帝祖母稱長信宮帝母稱長樂宮後曰永樂

黃圖云長樂殿

西有長信宮長秋殿

又云后宮在西秋之象也秋主信故以長秋長信為名

水經

亦曰殿西有長信長秋等殿則皆在長樂宮中也長安

志別出長信等七宮不以統諸長樂殆傳疑也 百

官表將行秦官景帝中六年更名大長秋詹事屬官

有中長秋注師古曰秋者秋成之時長者常久之義故

以為皇后宮名 馮昭儀傳為信都太后與王俱居儲

元宮注師古曰黃圖在上林苑中 後后紀馬后永平

三年春有司奏立長秋宮注皇后所居宮也長者久也

秋者萬物成熟之初也故以名焉 匱后和平元年尊

為孝崇皇后宮曰永樂置太僕少府以下皆如長樂宮

董后尊號曰孝仁皇后居南宮嘉德殿宮稱永樂

叔孫通傳惠帝為東朝長樂宮及間往數蹕煩民作複

道方築武庫南 爰盎傳上朝東宮趙談驂乘 張湯

傳吳楚七國反景帝往來東宮間 田蚡傳武帝二年

御史大夫趙綰請毋奏事東宮

寶太后

灌夫傳東朝廷

辯之注如淳曰東朝太后朝也

夏侯勝傳羣臣奏事

東宮太后省政勝用尚書授太后

許后傳成帝報曰

其孝東宮毋闕朔望注東宮太后所居也

劉向言王氏依東宮之尊

叙傳上朝東宮太后曰班侍中伯大將軍所舉宜寵

異之伯每朝東宮常從

漢後宮八區

後宮十四位

椒房

掖庭十

四級

班婕妤傳為婕妤居增成舍注應劭曰後宮有八區增

成第三 黃圖武帝時後宮八區有昭陽飛翔增成合

歡蘭林披香鳳皇鴛鴦等殿 西都賦後宮則有掖庭

椒房后妃之室合歡增成安處常寧茝若椒風披香發

越蘭林蕙草鴛鴦飛翔之列

注黃圖長樂宮有椒房殿漢宮閭名有合歡披香鴛

鸞飛翔殿餘亦殿名新論曰董昭儀居舍號曰椒房

昭陽特盛隆於孝成

注昭陽殿名孝

成趙皇后弟絕幸為昭儀居昭陽舍

屋不呈材牆不露形裏以藻繡絡以

編連隨珠明月錯落其間金釭銜壁是為列錢翡翠火

齊流耀含英懸黎垂棘夜光在焉於是玄墀釳玉階  
彤庭硤礪采綴琳珉青熒珊瑚碧樹周阿而生紅羅颯  
纏綺組繽紛精曜華燭俯仰如神後宮之號十有四位  
窈窕繁華更盛迭貴西京賦後官則昭陽飛翔增成  
合驪蘭林披香鳳皇鴛鴦館室次舍采飾纖縠裊以藻  
繡文以朱綠金妃玉階彤庭輝輝珊瑚琳碧瑤珉璘彬  
珍物羅生煥若崑崙雖厥裁之不廣侈靡踰乎至尊列  
爵十四競媚取榮盛踰無常惟愛所丁外戚傳漢帝



母稱皇太后祖母稱太皇太后適稱皇后妾皆稱夫人  
又有美人良人八子七子長使少使之號武帝制倖  
姪娥俗華充依各有爵位而元帝加昭儀之號凡十四  
等云

注自昭儀以下至  
秩百石十四等

昭儀位視丞相倖仔視上卿姪

娥視中二千石俗華視真二千石美人視二千石八子  
視千石充依視千石七子視八百石良人視八百石長  
使視六百石少使視四百石五官視三百石順常視二  
百石無涓共和娛靈保林良使夜者皆視百石上中家

人子視有秩斗食 後皇后紀秦并天下官備七國爵

列八品漢興因循其號武元之後掖庭三千增級

十四光武中興六宮稱號惟皇后貴人金印紫綬

又置美人宮人采女三等並無爵秩 霍光傳上

官禁有椒房中宮之重注師古曰椒房殿名皇后

所居以椒和泥塗壁取其溫芳也在未央宮 谷

永傳願抑損椒房玉堂之盛寵 許后傳省減椒房掖

庭用度 後第五倫傳椒房之親注后妃以椒塗壁取

其繁衍多子故曰椒房 禮內宰六宮注若今稱皇后  
為中宮疏漢舊儀有此事

漢犬臺宮

江充傳召見犬臺宮 黃圖在長安西二十八里上有  
犬臺宮外有走犬觀

漢鉤弋宮 堯母門

趙婕妤傳居鉤弋宮太始三年生昭帝號鉤弋子十四  
月乃生命所生門曰堯母門注黃圖宮在城外漢武故

事在直門南

括地志在長安城中

黃圖林光宮中有長定宮三

輔決錄曰后從帝行幸甘泉宮居長定宮長門宮在

長安城孝武陳后居之

東方朔傳寶太主獻長門園更名長門宮注如淳曰長門在長

安城東南

昭臺宮在上林苑中

西京雜記趙王如意年幼

未就外傳使趙媼傳之號其室曰養德宮後改為魚藻

宮

漢交門宮 鼎湖宮

武紀太始四年夏四月幸不其祠神人于交門宮若有

鄉坐拜者作交門之歌注晉灼曰琅邪縣有交門宮武

帝所造

黃圖鼎湖宮在湖城縣界

晉灼曰在藍田引黃圖

昔黃

帝採首山銅以鑄鼎鼎成有龍下迎帝仙去小臣攀龍

髯而上者七十二人漢武帝於此建宮

詳見郊祀志

### 漢萬歲宮亭

黃圖萬歲宮武帝造汾陰有萬歲宮宣帝元康四年幸

萬歲宮神爵翔集以元康五年為神爵紀元宣紀

神爵元年正月行幸甘泉郊祀泰時三月幸河東

祠后土詔曰迺元康四年嘉穀元稷降于郡國神爵仍  
集金芝九莖產於函德殿銅池中九真獻奇獸南郡獲  
白虎威鳳為寶朕之不明震于珍物飭躬齋精祈為百  
姓東濟大河天氣清靜神魚舞河幸萬歲宮神爵翔集  
注服虔曰萬歲宮在東郡平陽縣今有津晉灼曰黃圖  
汾陰有萬歲宮是時幸河東師古曰晉說是 後黃瓊  
傳順帝永建中公車召瓊李固遺書曰聞渡伊洛在萬  
歲亭注亭在洛州嵩陽縣西北武帝元封元年登太室

聞山呼萬歲者三因以名亭

又桓帝紀注洛陽夏門外有萬歲亭

三齊

記曲城齊城東有萬歲水水北有萬歲亭漢武所造

西征記

戴延之

漢武帝於太室山作登仙臺及萬歲亭

漢日華宮

黃圖河間獻王德築日華宮置客館二十餘區以待學

士

又見西京雜記

梁孝王作曜華宮築兔園有鴈池鶴洲鳧渚

廣川王太后居長壽宮

漢步壽宮

郊祀志神爵二年正月鳳皇集殺禰於所集得玉寶起

步壽宮迺下詔赦天下

厥後五鳳紀  
年鳳皇名殿

黃圖秦亦有步

壽宮今按其地與秦異則秦漢各有步壽宮秦在新豐

縣步高宮西 漢宮閣名長安有延壽宮祈年宮

元和志漢步壽宮在華原縣東北三里

本漢  
祓祠

隋志京兆渭南有步壽宮 初學記黃圖曰京兆

有步高宮

元和志秦步高宮在  
渭南縣西南二十里

有熊迎年孝武

益壽



漢太子宮

疏廣傳宣帝幸太子宮受為家令迎謁應對及置酒宴

奉觴上壽 王褒傳詔使褒等皆之太子宮虞侍太子

朝夕誦讀奇文及所自造作太子喜褒所為甘泉及洞

簫頌 成紀元帝在太子宮生甲觀畫堂帝為太子初

居桂宮

師古曰三輔黃圖桂宮在城中近北宮非太子宮

元后傳送政君太

子宮見丙殿甘露三年生成帝於甲館畫堂為世適皇

孫 哀紀定陶王立為皇太子謝曰材質不足以假充

太子之宮 戾太子傳及冠就宮上為立博望苑 後

班彪傳中宗令劉向王褒蕭望之周堪之徒保訓東宮  
申屠剛傳言皇太子宜時就東宮簡任賢保以成其  
德 陰識傳守執金吾輔導東宮

漢陽靈宮

揚雄甘泉賦蓋天子穆然珍臺閒館璇題玉英蜺蜺螭  
獲之中惟夫所以澄心清魂儲精垂思感動天地逆釐  
三神者迺搜速索耦臯伊之徒冠倫魁能函甘棠之思

挾東征之意相與齊乎陽靈之宮

注齊同也祭天之所故曰陽靈之宮也

集乎禮神之園登乎頌祇之堂

漢萑陽宮 屬玉觀

紀宣帝甘露二年十二月行幸萑陽宮屬玉觀注應劭

曰宮在鄠秦文王所起 成帝元延二年冬行幸長楊

宮大獵宿萑陽宮賜從官

黃圖萑陽宮

東方朔傳作倍陽

在

今鄠縣西南二十三里

元和志同

西都賦天子登屬玉之

館歷長楊之榭

以玉飾因名焉

漢池陽宮

宣紀甘露三年春正月呼韓邪單于來朝使有司道單于先行就邸長安宿長平上自甘泉宿池陽宮上登長平阪詔單于毋謁黃圖池陽宮在池陽南上原之阪去長安五十里

或謂即秦蘭池之陽  
和志在涇陽縣西北八里

地理志左

馮翊池陽縣惠帝四年置

應劭曰在池水之陽

東方朔傳武帝微

行北至池陽

百官表有胡騎校尉掌池陽胡騎

北於池陽

者

後章紀建初七年十月幸長安進幸長平御池陽

宮東至南陵造舟於涇而還

漢蒲陶宮

匈奴傳元壽二年單于來朝以太歲厭勝所在舍之上  
林苑蒲陶宮告之以加敬單于 黃圖蒲陶宮在上林  
苑

漢神光宮

文選揚子雲羽獵賦入西園切神光注張晏曰神光宮  
名 初學記黃圖長安有望遠宮

# 漢蘭池宮

地理志扶風渭城縣有蘭池宮 楊僕傳受詔不至蘭

池宮 文選西都賦注黃圖曰蘭池觀在城外長安圖

曰周氏陂南一里漢有蘭池宮 黃圖秦始皇三十一

年微行咸陽逢盜蘭池注渭城縣有蘭池宮 史記景

紀馳道木填蘭池正義秦蘭池在雍州咸陽縣界三秦

記云始皇都長安引渭水為長池築為蓬萊山刻石為

鯨長二百丈 元和志秦蘭池宮在咸陽縣東二十五

里 蘭池陂即秦之蘭池也在縣東二十五里初始皇引渭水為池東西二百里南北二十里築為蓬萊山刻石為鯨魚長二百丈 唐書太宗出征突厥高祖餞之蘭池宮

漢濟陽宮 鳳皇廬 光武碑

光武紀南頓君初為濟陽令以建平元年乙卯歲十二月甲子夜生光武於縣舍有赤光照室中是歲縣界有嘉禾生一莖九穗因名曰秀

注蔡邕光武碑文云光武將生皇考以今舍不顯開

官後殿居之而生

建武五年十二月詔復濟陽二年徭役注帝

生於濟陽官 明紀永平五年十月詔豐沛濟陽受命

所由加恩報德適其宜也 安紀延光三年二月丙子

東狩丁丑告陳留太守祠南頓君光武于濟陽 郡國

志陳留郡濟陽注有行官光武生

吳都賦注光武紀云濟陽有武帝行過官

論衡光武以建平元年十二月甲子生於濟陽官後

殿第二內中室內自明是歲嘉禾生三本一莖九穗長

於禾一二尺元帝之初有鳳皇下濟陽故今濟陽官有



鳳皇廬始與李父等俱起遇賊兵走濟陽舊廬見光若

火正亦在舊廬道南光耀上屬天

水經注云  
光明照室

蔡邕光

武濟陽宮碑帝乃龍見白水淵躍昆渚云云先民有言樂  
樂其所自生禮不忘其本是以虞稱鳩汭姬美周原作  
頌曰應期潛見扶陽而飛

漢懷官

光武紀建武元年八月癸丑祠高祖太宗於懷官列  
傳伏隆建武二年詣懷官光武親接之 范升建武三

年召詣懷宮拜議郎 耿純世祖即位從攻王郎還詣  
懷宮注懷河內縣名有離宮 枚叔七發乃下置酒於  
虞懷之宮

漢洛陽南宮

上又見

却非殿 九龍殿 前殿

光武紀建武元年七月圍朱鮪於洛陽九月朱鮪舉城  
降十月癸丑車駕入洛陽幸南宮却非殿遂定都焉十  
四年正月起南宮前殿注蔡質漢典職儀云南宮至北  
宮中央作大屋複道三行天子從中道從官夾左右十

步一衛兩宮相去七里又洛陽宮閣名有却非殿 順

帝紀帝即位尚書以下從輦到南宮登雲臺

又贊帝桓帝迎入南

宮即位

馬后紀諸貴人徙居南宮

五行志南宮宣室

殿承善闔黃龍千秋萬歲殿長秋和歡殿鉤盾掖 傳

論顯宗圖二十八將於南宮雲臺 列傳張酺永平九

年顯宗為四姓小侯開學於南宮酺數講於御前 馮

魴永平十五年東巡郡國留魴宿衛南宮 賈逵建初

元年詔入講北宮白虎觀南宮雲臺 東平王蒼建初

三年帝饗衛士於南宮因從皇太后周行掖廷池閣因

閱陰太后舊時衣服賜蒼及琅邪王京書 鄭弘章帝

以前後所陳補益王政皆著之南宮以為故事

謝承漢書明帝

條沛相李壽前後所上便宜為南宮故事

楊賜靈帝徙南宮閱錄故事得

所上張角奏及前侍講注籍乃感悟下詔封賜臨晉侯

宦者傳靈帝修南宮玉堂 東都賦皇城之內宮室

光明闕庭神麗奢不可踰儉不能侈

李通傳建武二年拜大司農帝每征

討四方常令通居守京師

東京賦於南則前殿雲臺

鎮撫百姓修宮室起學官

玉海

和歡安福謬門曲榭邪阻城洳奇樹珍果鉤盾所職西  
登少華亭候修飭九龍之內實曰嘉德西南其戶匪彫

匪刻我后好約乃宴斯息

九龍本周時殿名也門上有三銅柱三龍相糾繞故曰九

龍嘉德殿名在九龍門內也我后謂明帝也  
桓帝延熹二年南宮嘉德殿黃龍見

又有朱雀

蒼龍白虎玄武闕司馬門掖門承明門金馬門鴻都門

青瑣門崇德殿宮之正門也章德殿宮之前殿也有玉

堂前後殿明光殿建始殿東有太倉武庫又有鳳皇黃

龍千秋萬歲殿雲臺

一作靈臺

阿閣蘭臺東觀仁壽闔咸在

馬洛陽官又有却非門 漢表云分爲二 周有逃責之臺注劉德曰雒陽南官謬臺是也

漢太駕宮 修西京宮室 六王邸

光武紀建武十九年修西京宮室 杜篤傳篤以關中表裏山河先帝舊京不宜改營洛邑乃上論都賦曰皇帝以建武十八年二月甲辰升輿洛邑巡于西岳推天時順斗極排閭闔入函谷觀阨於穀黽圖險於隴蜀其三月丁酉行至長安經營官室傷憇舊京遂天旋雲遊造舟于渭北航涇流衍陳於岐梁東橫乎大河瘞后土

禮郊郊

四月反于洛都

明年有詔復函谷關作大駕宮

胡廣漢制度曰

天子出有大駕法駕小駕大駕言即天子行幸也

六王邸高車廐於長安修理

東都城門

長安外城門

橋涇渭往往繕離觀東臨灞滻西望

昆明北登長平規龍首櫺未央觀平樂儀建章

漢洛宮 三宮

東京賦昔先王之經邑也審曲面勢汧洛背河左伊右  
瀍西阻九阿東門于旋盟津達其後太谷通其前太室  
作鎮揭以熊耳底柱輟流鐔以大岷龍圖授羲龜書畀

妣召伯相宅卜惟洛食周公初基其繩則直經涂九軌  
城隅九雉度堂以筵度室以几京邑翼翼四方所視世

祖龍飛白水鳳翔參墟獻詰立覽都茲洛宮曰止曰時

昭明有融既光厥武仁洽道豐登岱勒封與黃比崇逮

至顯宗六合殷昌乃新崇德

殿名在東

遂作德陽

西

啓南端

之特闡立應門之將將昭仁惠於崇賢東門抗義聲於金

商西門飛雲龍

東門

於春路屯神虎

西門

於秋方建象魏於兩

觀旌六典之舊章其內則含德章臺天祿宣明溫飭迎



春壽安永寧

八殿在應門之內

飛閣神行莫我能形於南則前

殿

路寢

雲臺龢驩安福諄門

外室門也

曲榭邪阻城洫九龍

周時

名殿

之內實曰嘉德西南其戶匪彫匪刻我后好約乃宴

斯息於東則鴻池清籟綠水澹澹其西則平樂都場示

遠之觀

李尤賦曰設平樂之顯觀處金商之維陬

龍雀

飛廉也

蟠蜿天馬

銅馬也

半漢經始勿亟成之不日猶謂為之者勞居之者逸慕

唐虞之茅茨思夏后之卑室乃營三官布教頒常禩廟

重屋八達九房

謂明堂

規天矩地授時順鄉造舟清池維

水泱泱左制辟雍右立靈臺因進拒衰表賢簡能馮相

觀祲祈禱禳災

薛綜注德陽殿東有辟雍西有靈臺謂於其上班教令者曰明堂大合樂射鄉

者曰辟雍司歷紀侯節氣者曰靈臺

東都賦至于永平重熙累洽增周

舊修洛邑扇巍巍顯翼翼光漢京于諸夏總八方而為

極皇城之內宮室光明闕庭神麗奢不可踰儉不能侈

賦序云京師修宮室浚城隍起苑囿以備制度

漢北宮

又見上

紀明帝永平三年起北宮及諸官府

夏旱鍾離意諫曰成湯六事自責今

宮室大作人失農時所謂宮室榮也

八年十月北宮成

和帝永元四年

四月庚申幸北宮

順帝召虎賁羽林士屯南北宮諸

門

文選注蔡質漢官典職曰南宮北宮相去七里中間作大屋複道三行

竇后

章

見於

北宮章德殿

鄧后

和

自御北宮增喜觀閱問宮人即

日遣五六百人

列傳鍾離意永平三年夏旱而大起

北宮意詣闕上疏帝敕太匠止作諸宮減省不急遂應

時注雨後德陽殿成百官大會帝思意言謂公卿曰鍾

離尚書在此殿不立注漢宮殿名曰北宮中有德陽殿

井丹建武末沛王輔等五王居北宮皆好賓客請丹

不能致

逸民

賈逵入講北宮白虎觀 張禹永元十五

年以太尉兼衛尉留守注東觀記曰留守北宮 馬融

陽嘉二年對策北宮端門 五行志有北宮盛饌門閣

東掖庭

### 漢濯龍宮 池

桓紀延熹五年十月換王侯租以助軍糧出濯龍中藏  
錢還之九年七月庚午祠黃老於濯龍宮論曰飾芳林

以考濯龍之宮設華蓋以祠浮屠老子注續漢志祠老子於濯龍宮用郊天樂 馬后紀明帝幸濯龍中諸才

人下邳王以下在側請呼皇后帝笑曰是家志不好樂

雖來無歡建初二年太后詔曰前過濯龍門見外家問

起居者車如流水馬如游龍置織室蠶於濯龍中數往

觀視以為笑樂注續漢志曰濯龍園名也近北宮

少府屬官

有濯龍監一  
人四百石

李雲傳桓帝在濯龍池管霸奏雲等事

李尤賦德陽之北斯曰濯龍文槐曜水甘果成叢

洛都賦

傳殺

顧濯龍之臺觀  
渟清沼以汎舟

東京賦濯

龍芳林九谷八溪芙蓉覆水秋蘭被涯注洛陽圖經曰

濯龍池名

漢胡桃宮

匈奴傳順帝漢安二年六月丙寅立南單于堯樓儲詔  
太常祖會饗賜作樂角抵百戲帝幸胡桃宮臨觀之

漢承光宮

种暉傳順帝擢暉監太子於承光宮  
百官志永安丞一

人永安北宮東北別小宮名有園觀

洛陽宮殿名曰永安宮周迴六百九十八

大啟基在洛陽故城中

苑中丞主苑中離宮

李尤永安宮銘合歡

黃堂中和是遵候臺集道俾司星辰

晉紀太元二十一

年四月新作永安宮

漢宮閣簿 宮闕疏 鼓簣宮

唐志漢宮閣簿三卷洛陽官殿簿二卷

文選注引漢

宮閣名長安有鴛鸞殿又引漢官殿疏曰長安有鴈鷺

陂又引晉宮闕名西都賦注引漢宮闕疏景福殿賦注

引洛陽宮殿簿上林賦注引漢宮殿簿 漢書顏師古  
注引漢宮閣疏 黃圖鼓簧宮漢宮閣疏云周匝一百  
三十步在建章宮西北 光武紀注洛陽宮殿名有却  
非殿漢宮閣疏曰靈臺高三丈十二門

### 蜀漢新宮

蜀都賦金城石郭兼巾中區既麗且崇實號成都闢二  
九之通門畫方軌之廣塗營新宮於爽塏擬承明而起  
廬注新宮宮名漢有承明廬此擬而起之



魏洛陽宮 太極殿 建始殿 承明廬

紀文帝黃初元年十二月初營洛陽宮戊午幸洛陽注

臣松之曰時帝居北宮以建始殿朝羣臣門曰承明陳

思王植詩曰謁帝承明廬至明帝始於漢南宮崇德殿

處起太極昭陽諸殿

魏畧魏有鄴宮洛陽宮殿簿有魏太極九龍芙蓉九華承先諸殿

明帝青龍三年三月大治洛陽宮起昭陽太極殿築

總章觀

高十餘丈建翔鳳于上初學記歷代殿名或公或華惟魏之太極自晉以降正殿皆名之

張遼傳黃初二年遼朝洛陽宮文帝引會建始殿親

問破吳意狀 魏都賦經始之制牢籠百王畫雍豫之  
居寫八都之宇高門有閤築室百堵思重爰摹大壯造  
文昌之廣殿極棟宇之宏規長庭砥平鍾虞夾陳巖巖  
北闕南端攸遵西闕延秋東啓長春左則中朝有昶聽  
政作寢前則宣明顯陽順德崇禮重闔洞出鏘鏘濟濟  
禁臺省中連闥對廊藹藹列侍金螭齊光後則椒鶴文  
石永巷閭術楸梓木蘭次舍甲乙西南其戶成之匪日  
丹青炳煥特有溫室

魏許昌宮

紀文帝黃初三年正月庚午行幸許昌宮四年九月甲辰行幸許昌宮五年七月幸許昌宮明帝太和六年四月壬寅行幸許昌宮九月治許昌宮起景福承光殿十二月行還許昌宮青龍三年十一月丁酉行幸許昌宮卞蘭許昌宮賦入南端以北眺望景福之嵯峨望舒涼室羲和溫房楊脩許昌宮賦置天臺於辰角列執法於西南元和志許昌宮在許昌故城中

漢建安元年都許

## 吳太初宮

吳志孫權赤烏十年三月改作太初宮注權以建業宮

南宮腐朽徙武昌宮材瓦繕治 孫皓寶鼎二年六

月起顯明宮注吳有太初宮方三百丈權所起也

昭明宮方五百丈皓所作也避晉諱故曰顯明在

太初之東 志又有蒼龍門白虎門 黃龍元年

九月權遷都建業因故府不改館召陸遜輔太子

登掌武昌留事 建康建都自吳及陳三百二十

一年

晉咸和新宮

成帝紀

兼王導傳

咸和四年二月蕪峻平宮闕灰燼以建平

園為宮溫嶠議遷都豫章三吳之豪請都會稽二論紛紜未有所適王導曰金陵舊為帝里又孫仲謀劉玄德俱言王者之宅古之帝王未必以豐儉移都苟弘衛文大帛之冠則無往不可且北寇寬游伺我之隙一旦示弱竄於蠻越求之望實俱非良計以咸和五年九月造

新宮

王彬為大匠

繕苑城

修六門

七年十二月庚戌帝遷於新

宮八年正月辛亥朔詔曰既獲臨御大饗羣后九賓充

庭百官象物

晉崇化宮

弘訓宮

崇德宮

崇訓宮

紀武帝泰始元年十二月丁卯尊王太后宮曰崇化二

年正月辛丑尊羊皇后宮曰弘訓 穆帝升平元年正

月褚太后居崇德宮

褚皇后傳穆帝幼冲后臨朝帝既冠反崇德宮

孝武太

元十九年八月己巳尊李太后宮曰崇訓

晉太元新宮 太極殿

孝武紀太元三年春二月乙巳作新宮七月辛巳帝入

新宮

新宮內外殿宇大小三千五百間

十七年八月新作東宮二十一

年正月造清暑殿

宋孝武帝有華林清暑殿賦

謝安傳孝武時宮

室毀壞安欲繕之尚書令王彪之等以外寇為諫安竟

獨決之宮室用成皆仰模玄象合體辰極而役無勞怨

王獻之傳太元中新起太極殿

時建太極殿有梅花流至以為梁因畫花

於梁以表瑞

謝安欲使獻之題榜以為萬代寶而難言之以

魏韋仲將書凌雲殿榜諷之獻之曰仲將魏之大臣寧  
有此事

徐爰晉紀孝武寧康二年尚書令王彪之等

改作新宮太元三年二月内外軍六千人始營築至七  
月而成太極殿高八丈長二十七丈尚書謝萬監視賜  
爵關内侯大匠毛安之關内侯 梁書天監十二年改

造太極殿王規獻新殿賦

陳徐陵  
有銘





玉海卷一百五十六